

**22 МАЯ: Иже во святых отца нашего Николая архиепископа,
Мир Ликийских чудотворца.**

Вечером 21 мая

Изменяемое №1

На Господи воззвах:

Стѹх: *Изведи из темницы душу мою, исповедатися имени Твоему.*

Стѹх: *Менѣ ждут праведницы, дондеже воздаси мнѣ.*

Стѹх: *Из глубины воззвах к Тебѣ, Господи, Господи, услыши глас мой.*

Стѹх: *Да будут уши Твои внемлюще гласу моления моего.*

Стѹх: *Аще беззакония азриши, Господи, Господи, кто постоит; яко у Тебѣ очищение есть.*

Стѹх: *Имене ради Твоего потерпѣх Тя, Господи, потерпѣ душа моя в слово Твое, упова душа моя на Господа.*

Стѹх: *От стражи утренния до нощи, от стражи утренния, да уповает Израиль на Господа.*

Глас 8. **На небо добродетелей возшед превысоких,/ чудотворец явился еси в Мѣрах, славне:/ телом в Бѣре почивая,/ духом вездѣ верныя посещаяи/ и вся от бед изымаяи,/ достойно честь приемля,/ во святителях прославляеши,/ Христов угодниче блаженне./ Тя ныне молебнo призывающе,/ умильно глаголем:/ помолися, святителю Николает, Спасу всех/ умирѣти мир и спасти души наша.**

Стѹх: *Яко у Господа милость, и многое у Него избавление, и Той избавит Израилья от всех беззаконий его.*

На небо добродетелей возшед превысоких,/ чудотворец явился еси в Мѣрах, славне:/ телом в Бѣре почивая,/ духом вездѣ верныя посещаяи/ и вся от бед изымаяи,/ достойно честь приемля,/ во святителях прославляеши,/ Христов угодниче блаженне./ Тя ныне молебнo призывающе,/ умильно глаголем:/ помолися, святителю Николает, Спасу всех/ умирѣти мир и спасти души наша.

Стѹх: *Хвалите Господа вси языцы, похвалите Его вси людие.*

Молѣбными пѣснями, сошѣдшеся, празднoлюбцы,/ нашего заступника честное пренесение радостно восхвалим,/ иже вся страны просвещает чудесы/ и скорбящих божественно утешает,/ обидимых избавляет,/ иже милостынею Бога одолжит/ и того ради прият стократное воздаяние./ К нему же вси мы взываем:/ помолися, святителю Николае, Спасу всех/ умироти мир и спасти души наша.

Стѣх: Яко утвердися милость Его на нас, и истина Господня пребывает во век.

Ангельская жилища достиг добродетельми,/ предстоиши Владыце твоему Христу,/ Ему же раб благопокорив был еси,/ и от раки миро точиши,/ верным пособствуя чудесы твоими/ и к Богу приводя благочестивых./ Не от Бара ныне призываем тя,/ но от горнего Иерусалима,/ идеже радостно ликуеши со апостолы, и пророки, и святители:/ помолися, Богоносе Николае, Спасу всех/ умироти мир и спасти души наша.

Слава, глас 6: Святителей удобрение/ и отцев славу,/ источника чудес и верных заступника великаго,/ сошѣдшеся, о празднoлюбцы,/ пѣсенными похвалами воспоём, глаголюще:/ радуйся, мирянов хранителю,/ и первоседателю честный, и столпе неподвижимый./ Радуйся, светильниче свесветлый,/ иже мирския концы просвещая чудесы./ Радуйся, скорбящих Божественная радости/ и обидимых теплый предстателю./ И ныне, всеблаженне Николае,/ не претай моляся Христу Богу/ о верою и любовью чтущих приснорадостную/ и всепразднственную память твою.

И ныне, праздника. <далее см. основной Чин>

Изменяемое №2

Прокимен после «Свете тихий»: См. Прокимен дня <далее см. основной Чин>

Изменяемое №3

Паримии:

Притчей чтение (главы 10 и 8):

Память праведнаго с похвалами,/ и благословение Господне на главе его./ Блажен человек, иже обрете премудрость,/ и смертен, иже уведе разум./ Лучше бо сию куповати, нежели злата и сребра сокровища./ Честнейшая же есть камней многоценных,/ все же честное недостойно ея есть./ Долготы бо дней и лета живота в деснице ея,/ в шуйце же ея богатство и слава,/ от уст ея исходит

**п́равда,/ закѡн же и мѣлостъ на язѣцѣ нѡсит./ Послѣшайте ѹбо менѣ,
о ч́ада!./ Честн́ая бо рекѹ,/ и блаженъ человекъ, ѣже путѣи моя сохранѣтъ,
исходи бо мои исходи живот́а/ и уготовляется хотѣние отъ Гѡспода./
Сего́ ради молю вас/ и предлагаю мой гласъ сыновѡмъ человѣческимъ,/
яко азъ, премѹдрость, устроихъ советъ,/ и разумъ, и смыслъ азъ призвахъ./
Мой советъ и утверждѣние,/ мой разумъ, моя же крѣпость./ Азъ менѣ
любящия люблю,/ ищущи же менѣ обрящутъ благодать./ Разумѣйте
убо, незлѡбивии, коварство,/ ненаказаннии же, прилагайте сердца./
Послѣшайте менѣ и паки,/ честн́ая бо рекѹ, и отверзну отъ устенъ
правая,/ яко истинѣ поучится гортань моя,/ мерзки же предо мною
устны́ лживыя./ С правдою вси глаголы уст моихъ,/ ничтѡже в нихъ
стрѡпотно, ниже развращенно./ Вся права суть разумевающимъ/ и
прѡста обретающимъ разумъ./ Научаю бо васъ истинѣ,/ да бѹдетъ о
Гѡсподѣ надежда ва́ша,/ и исполнитесь Дѹха.**

Прѣтчей чтѣние (главы 10 и 11):

**Уста́ праведнаго ка́плютъ премѹдрость,/ языкъ же неправеднаго
поги́бнет./ Устнѣ мужей праведныхъ ка́плютъ благодати,/ уста́ же
нечестивыхъ развращаются./ Мѣрила льстивая мерзость предъ
Гѡсподемъ,/ весъ же праведенъ приятенъ Емѹ./ Идѣже аще вни́детъ
досаждѣние, тамо и безчѣстие,/ уста́ же смиренныхъ поучаются
премѹдрости./ Совершѣние правыхъ наставитъ ихъ,/ и поползновѣние
отрицающихся упасѣтъ ихъ./ Не пользуютъ имени́я в день ярости,/
правда же избавитъ отъ смѣрти./ Умеръ праведный, остави раская́ние,/
нару́чна же быва́етъ и посмеятельна нечестивыхъ па́губа./ Правда
непорѡчнаго исправляетъ путѣи,/ в нечѣстие же па́даетъ неправда./
Правда мужей правыхъ избавитъ ихъ,/ безсоветіемъ же пленяются
беззакѡннии./ Скончавшуся мѹжѹ праведнѹ,/ не погибнетъ надежда,/
похвала́ же нечестивыхъ погибнетъ./ Праведникъ отъ лѡва убѣгнетъ,/ в
негѡже мѣсто преда́ется нечестивый./ Во устѣхъ нечестивыхъ сеть
гра́жданомъ,/ чѹвство же праведныхъ благоспѣшное./ Во благѣхъ
праведныхъ исправится градъ,/ и в погибели нечестивыхъ ра́дование./
Во благословѣнии правыхъ возвы́сится градъ,/ усты́ же нечестивыхъ
раскопа́ется./ Руга́ется гра́жданомъ лишенный разума,/ мужъ же
мѹдрый безмѡлвие во́дитъ.**

Премудрости Соломона чтение (глава 4):

Праведник аще постигнет скончаться, в покои будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости житие нескверное./ Благоугоден Божов и быв, возлюблен бысть/ и живый посреде грешник преставлен бысть,/ восхищен бысть, да не злоба изменит разума его/ или лесь прельстит душу его./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета долга,/ угодна бо бе Господеви душа его,/ сего ради потщася от среды лукавствия./ Людие же видевше, и не разумевше,/ ниже положше в помышлении таковое,/ яко благодать и милость в преподобных Его,/ и посещение во избранных Его.

<далее см. основной Чин>

Изменяемое №4

Лития глас 2:

Отче Николае,/ аще и Мирская страна молчит,/ но мир весь, иже тобою просвещенный,/ мира же благоухании и чудес множеством/ взывает благохвальными песнями,/ и спасшиися тобою осужденнии/ с сущими в Мирех, и мы, поюще, вопиём:/ моли спастися душам нашим.

Глас 4: Отче Николае,/ Пресвятаго Духа мироположница сый,/ яко в Мирех благоухаеши Божественными ароматы,/ Христовым бо апостолом подобник быв,/ вселенную обходиши словесы чудес твоих./ Темже и дальным, яко близ, во сне являясь,/ от смерти избавляеши,/ иже неправедным судом умерети имущия,/ спасая преславно от бед многих призывающия тя./ Темже и нас от находящихся лютых/ свободи твоими молитвами,/ присно восхваляющих тя.

Глас 8: Доблестей твоих, преподобне отче, плод/ просветил есть верных сердца:/ кто бо слыша безмерное твое смирение/ и терпению не удивися,/ яже к нищим тихости,/ к скорбящим утешению?/ Вся боголепно научил еси,/ святителю Николае,/ и ныне неувядаемым венцем увязлся еси,/ молися о душах наших.

На хвалу́ потёкл еси́ Господню, Никóлае,/ во врёменной жízни,/ и Той ты просла́ви на Небёсней и и́стинней жízни./ Тёмже, дерзнове́ние стяжа́в к Нему́,/ моли́ спасти́ ду́ши на́ша.

Сла́ва, глас 6: Благо́й ра́бе ве́рный,/ де́лателью виногра́да Христо́ва,/ ты и тяготу́ дневну́ю понёсл еси́,/ ты и да́нный ти тала́нт возрасти́л еси́/ и по тебе́ прише́дшим не зави́дел еси́./ Тёмже врата́ Небёсная отверзо́шася тебе́,/ вни́ди в ра́дость Го́спода твоего́/ и моли́ о нас, свя́те Никóлае.

И ны́не, пра́здника. <далее см. основной Чин>

Изменяемое №5

По полиеле́и седа́лен глас 1:

Освящ себе́ жити́ем соверше́нным, яви́лся еси́ святи́тель Бо́га Вы́шнего,/ от Него́же укрепля́емь, ерети́чествующих уста́ заградил еси́./ Тем твоё пренесе́ние све́тло пра́зднуем, Христа́ Бо́га велича́юще.

Сла́ва, и ны́не: Безневёстная Чи́стая Богоро́дице Де́во, еди́на ве́рных предста́тельство и покрóве,/ бед, и скорбе́й, и лю́тых обстоя́ний всех изба́ви,/ на Тя упова́ние, Острокови́це, иму́щих,/ и ду́ши на́ша спаси́ Божёственными мо́льба́ми Твои́ми.

Изменяемое №6

Степе́нна, 1-й антифо́н 4-го гла́са.

Прокі́мен глас 4: Честна́ пред Го́сподем/ смерть преподо́бных Его́.

Стих: Чтó возда́м Го́сподеви о всех, я́же воздаде́ ми?

<далее см. основной Чин>

Изменяемое №7

По 50-м псалме́ стихи́ра глас 6:

Насле́дниче Бо́жий, соприча́стниче Христо́в,/ служи́телю Господе́нь, свя́те Никóлае,/ по и́мени твоему́ та́ко и жити́е твоё:/ спроси́я бо се́ди́не ра́зум,/ свиде́тельствова́ше све́тлость лица́ твоего́ душе́вное незло́бие,/ изве́ствова́ше крото́сть Сло́ва молчали́вое./ Жизнь твоя́ сла́вна,/ и успе́ние со святы́ми,/ моли́ о душа́х на́ших.

<далее см. основной Чин>

Изменяемое №8

Кано́н свята́го Николáя глас 8.

Песнь 1

Ирмос: Песнь возслѣм, людіе,/ чюдному Бѣгу нашему,/ свободѣвшему Израїля от рабѣтъ,/ песнь побѣдную поюще и вопиюще:/ поїм Тебѣ, единому Владѣце.

Песнь устѣн моих приими, Благодателю Христѣ,/ и уясни ми язык, не поминая многих моих грехѣвъ,/ да воспѣю честное житіе Твоего святителя/ в пѣмь пренесѣнія мощей его.

Чудотворный дар приѣм и терпѣнія венцы, святительством украшаяся,/ Бѣгу помолися, ѡтче, прегрѣшений прощѣние даровати нам,/ славящим твоѣ пренесѣние.

Пастырь Христова стада, ѡтче, иным овцам посылаеши, к латинскому языку,/ да вся удивѣши чудесы твоими и ко Христу приведѣши, блаженне,/ Емуже и о нас молися непрестанно.

Богородичен: Далече бывше иногда,/ язычестии народи Рождеством Твоим, Богородице, к Бѣгу приближимся:/ Ты бо мене Обожившаго породила еси и древнія клятвы Свободѣшаго Своєю кровію.

Ин канѣн Николѣя *глас 4.*

Песнь 1

Ирмос: Отверзу уста моя,/ и наполнятся Духа,/ и слово отрыгну Царице Матери,/ и явлюся, свѣтло торжествую,/ и воспѣю, радуясь, Тоя чудеса.

Просвети душу и сердце, молю Ти ся, Светодавче, твоари Содетелю,/ дар подаждь ми воспѣванием пѣти Твоего угоднаго пречестнаго,/ ѡмже мир от скорби избави.

Небесную ты обрѣт премудрость,/ яко таланта врученнаго, благоупотребил еси:/ тою бо, разорив противобожную лѣсть,/ умудрил еси люди Божественным учѣнием.

Богородичен: Зачинается Превѣчный, и совершенный обновляется,/ из Отроковицы Дѣтищ раждается,/ Егѣже проповѣдал еси во двою существу,/ во единой же Ипостаси, Богоблаженне.

Песнь 3

Ирмос: Небеснаго круга Верхотворче, Господи,/ и Цѣркве Зиждителю,/ Ты мене утверди в любви Твоей,/ желаний краю, верных утверждение,/ единое Человеколюбче.

Незлѡбивый нравом и крѡткій образом,/ житіе имѣя ангельское,
Богоблаженне Никѡлае,/ не престай о нас моляся единому
Человеколѡбцу.

Кий град, блаженне, не имѣет тебѣ помощника?/ Кая ли душа не
призывает твоего имени?/ Или коего мѣста не присещаети духом,
твоими чудесы удивляя вся, Никѡлае?

Барский убо град прият тело твое, но дух твой в Вышнем
Иерусалиме,/ идеже ликуеша со пророки, и апостолы, и святители
купно,/ моляся о нас единому Человеколѡбцу.

Богородичен: Просвещение ми испроси, Пречистая Владычице,/ омраченному грехи многими, порождая Свет всему миру,/ и страстную мглу далече отжени, едина Богоблаженная.

Ин

Ирмос: Твоя песнопловцы, Богородице,/ живый и независтный Источниче,/ лик себе совокупльшия, духовно утверди,/ в Божественней Твоей славе/ венцев славы сподоби.

Печальнии тя обретохом крепкое утешение,/ помрачении – свет, и злых изменение иже скорбьми одержимии,/ священнейший отче.

Святителю Никѡлае, Божия уста быв,/ из уст волка неприязненна люди избавил еси, славне,/ и привел еси Творцу дар, давай исцеление всем.

Богородичен: Един родитися изволи плотию из Тебе,/ выше слова сый Слово, Богомати Пречистая,/ избравый слугу Себе и учителя народом иерарха Николая.

Кондак праздника, и икос.

Седален святителя, глас 1: Пренесение твоих честных мощей положение нам бысть праздника светла,/ святителю Господень прехвальный,/ еже хвалим благочестно, и радостно чтуще тя света незаходямаго Солнца,/ верным доброто, Никѡлае.

Слава, и ныне, праздника.

Песнь 4

Ирмос: Всел еси на кони, апостолы Твоя, Господи,/ и приял еси рукама Твоима узды их,/ и спасение бысть еждение Твое верно поющим:/ слава силе Твоей, Господи.

Светом Вышнего озаряемь, святителю,/ мое сердце просвети и тьму греховную отжени,/ да, радуясь, пою твоё святое пренесение.

Возступль на лествицу добродетелей, блаженне,/ чудотворец явился еси по всей земли, Николает,/ и сего ради от Мир барстии людие прие́млют святыя́ мо́щи твоя́.

Иереи вернии о тебе хвалятся,/ и людие христолюбивии призывают тя, во бранех помощника,/ и мы, недостойнии, подвижаем тя к Богу за ны мо́литися, Николает.

Богородичен: Чины ангельския удивляет, Богородице, тайны Твоея глубина,/ бесы же смущает Твоя икона./ Ейже мы кланяемся, чтуще Тя, Божию Матерь.

Ин

Ирмос: Незсле́дный Бо́жий совет,/ еже от Девы воплощения Тебе́, Вышняго,/ проро́к Авваку́м усмотряя, зовяше:/ слава силе Твоей, Господи.

Начальна, Богогласе, Света Божия прича́тием второ́й явился еси,/ сиянием просвеща́ющ мра́чный,/ я́ко ра́читель добродетели, преизя́щен славою.

Избави ста́до твоё от греховныя бу́ри, бед же и волн проти́вных,/ вводя ны прісно к приста́нищем безво́лненным,/ спасітельными тво́ими мо́литвами.

Богородичен: Естество́м несказа́нно Вышнего Света,/ милосердіем пребогатаго ро́ждшая неизрече́нно,/ обнища́вшия ны, Пречи́стая, Божиими да́ры обогати́.

Песнь 5

Ирмос: Мрак душі́ моея́ разжени́, Светода́вче Христэ́ Бо́же,/ началоро́дную тьму изгна́в бездны,/ и да́руй ми свет повеле́ний Твои́х, Сло́ве,/ да, у́тренюя, сла́влю Тя.

В Ми́рех престо́л имёл еси́, в Бар те́ло пресели́л еси́,/ и ду́хом на Небеси́ пребыва́еши, святителю Николает, со апостолы, я́ко преё́мник,/ с ни́миже о нас мо́ли, поющих твоё пренесение.

Всех христиа́н наде́ждо, и оби́димых ве́лий засту́пниче, и боля́щих цели́телю,/ печа́льных утёшителю и к Бо́гу от челове́к ходатаю,/ оте́честву на́шему мир испроси́ и спаса́й ны от пога́ных нахожде́ния.

Погруже́нную ду́шу мою́ мно́гими страстьми́, Нико́лае, умерщвле́нную грехопада́нием,/ оживи́ твои́ми моли́твами и напра́ви на покая́ние,/ да с ве́рными все́ми твоё сла́влю пренесе́ние.

Богоро́дичен: Егóже тьмы а́нгельския и серафíмская мно́жества ужаса́ются/ и разу́мная тварь трепéщет,/ Тогó я́ко Младéнца, Дéво, пита́еши,/ Егóже обра́зно на руку́ Твоёю ви́дяще, всегда́ покланя́емся.

Ин

Ирмо́с: Ужасóшася вся́ческая/ о Божéственней сла́ве Твоёй;/ Ты бо, Неискусобра́чная Дéво,/ имéла еси́ во утробé над все́ми Бо́га/ и родила́ еси́ Безлётнаго Сы́на,/ всем воспева́ющим Тя/ мир подава́ющая.

Мно́гим чудотворéнием кра́сне нóзе стяжав,/ всем благáя благовести́л еси́,/ от вражды́ вётхия свобóдны творя́ Божéственным учéнием,/ спаси́ ны, священнонача́льниче.

Бо́га благоволе́нием на хребéт морскóй всед/ и со благоговéйными му́жи мно́гу пучи́ну прешéд,/ ко гра́ду Ба́рску пришéл еси́, блаже́нне Нико́лае.

Богоро́дичен: Щит ве́рным, Бо́жия Ма́ти Дéво, Тя вои́стинну сла́вим, а́нгельски зову́ще Ти:/ ра́дуйся, Благословéнная и Благодáтная, слы́шание и глаго́лание стра́шно/ и дíвно покóище Влады́це тва́ри вся́кия.

Песнь 6

Ирмо́с: Я́коже проро́ка избáвил еси́/ из глубины́ преиспо́дня, Христé Божé,/ и мене́ от грехóв мо́их избáви, я́ко Человеколю́бец,/ и упрáви живо́т мой, молю́ся.

Я́ко от окри́на, от Божéственныхя твоея́ це́ркве нескúдно приéмлем здра́вие телесéм/ и душáм очищéние, святíтелю Нико́лае,/ чудеса́ бо то́чиши благодáтию несомнённою ве́рою упова́ющим на тя.

От напáстей разли́чных, и бед лю́тых, и скорбéй, одержáщих ны,/ и от разли́чных злых, óтче, я́ко Христóв уго́дник пресла́вный, избáви рабы́ твоя́,/ достодо́лжно чту́щия твоё свято́е пренесе́ние.

Грехо́вным мра́зом истёрп и житёйским вётром порева́емь,/ яко
друго́е со́лнце, о́тче, подо́бие твоего́ о́браза ви́дев,/ тво́ими
моли́твами да согре́юся, служи́телю Христóв Никóлае.

Богорóдичен: Земных ум Небёсныя тайны не увести, ни тварь
Творца́ разума домы́слится:/ прехо́дит бо ум челове́ч от Дёвы
рождество́ Господне./ Ёйже моля́щися ве́рою, грехо́в прощёние
при́йдем.

Ин

Ирмо́с: Божественное сие́ и всечестно́е/ соверша́юще пра́зднество,/
Богому́дрии, Богома́тере,/ прииди́те, рука́ми воспле́щим,/ от Нея́ ро́ждшагося
Бо́га сла́вим.

Лю́ди Бо́жия ко спасе́нию устро́ивый во плóти Явля́шагося мно́гия
ра́ди бла́гости,/ пропове́днице Никóлае и язы́к учи́телю,/ спаси́ ны
наставле́нием тво́им.

Име́вый путь мо́ре и стези́ во́ды,/ умоли́ у Го́спода, е́же нам мо́ре
житёйское преплы́ти без вре́да/ и стезе́ю вод слёзных дости́гнути
Ца́рствие Небёсное.

Богорóдичен: Ты дверь Царя́ Небёс и храм сла́вы Его́, Де́во
Всепе́тая,/ отве́рзи нам двéри милосе́рдия/ и введи́ ны моли́твами
Тво́ими в жили́ща Небёсныя сла́вы.

Конда́к, глас 3: Взы́де, яко звезда́, от восто́ка до за́пада/ твоя́ мо́щи,
святите́лю Никóлае,/ мо́ре же освяти́ся ше́ствием тво́им,/ и град
Ба́рский прие́млет тобо́ю благода́ть:/ нас бо де́ля яви́лся еси́
чудотво́рец изя́щный,/ предивный и ми́лостивый.

Ўкос: Воспойм ны́не святите́ля пе́сньми, Ми́рским лю́дем па́стыря и
учи́теля,/ да моли́твами его́ просвети́мся:/ сей бо яви́ся чист весь,
нетле́нен ду́хом,/ Христу́ принося́ же́ртву непоро́чну, чи́сту, Бо́гу
благоприятну,/ яко святите́ль, очи́щен и душе́ю и те́лом./ Те́мже сый
и́стинно Це́ркви предста́тель и побóрник сея́/ и чудотво́рец изя́щен,
предивен и ми́лостив.

Песнь 7

Ирмós: На по́ле Деи́ре/ иногда́ мучи́тель пещь поста́ви на муче́ние Богоно́сных,/ в не́йже три о́троки песносло́вяху Еди́наго Бо́га,/ трóично воспева́ху, глаго́люще:/ отце́в Бо́же, благослове́н еси́.

Днесь ра́дуются А́нгели Бо́жии, рыда́ет же де́монское мно́жество:/ спасл бо еси́ лю́ди от напа́сти и отгна́л еси́ ду́хи те́мныя./ Тем досто́йно одоле́вый нарица́ешия./ Сего́ ра́ди вопи́ем Го́сподеви:/ оте́ц на́ших Бо́же, благослове́н еси́.

Одержи́мии печа́лию немо́щи, разли́чными недúги утружде́ни,/ с ве́рою к ра́це твоёй влеку́тся/ и, получи́вше твою́ ми́лость, быстрообра́зно отхо́дят, ра́достно Го́сподеви пою́ще:/ оте́ц на́ших Бо́же, благослове́н еси́.

Предсто́ят ти, блаже́нне, собо́ри правове́рных люде́й,/ и хва́лятся о тебе́ церко́внии учи́тели,/ прославля́ют же тя ца́ри, я́ко засту́пника./ Мы же ти мо́лимся, спаси́ ны, Нико́лае, пою́щия Го́сподеви:/ оте́ц на́ших Бо́же, благослове́н еси́.

Богоро́дичен: О, ка́ко, Спа́са моего́ воспою́, Его́же трéпетно хва́лят А́нгели?/ Но Ты, Ма́ти, наста́ви мя и милосе́рдие Сыно́внее благоутро́бием Твои́м понúди/ поми́ловати ны, на Тя упова́ющия,/ я́ко Ты, за ны моля́щи Его́, от му́ки изба́виши.

Ин

Ирмós: Не послужи́ша тва́ри Богому́дрии,/ па́че Созда́вшаго,/ но, о́гненное преще́ние му́жески попра́вше,/ ра́довахуся, пою́ще:/ препе́тый отце́в Госпо́дь и Бог, благослове́н еси́.

Веще́й сýетством все́му уму́ челове́ческому обуя́вшу,/ я́ко со́лию, даждь цельбу́ сло́вом твои́м и пе́ти Го́сподеви научи́:/ препе́тый отце́в Госпо́дь и Бог, благослове́н еси́.

О, пресла́вная тво́я чудеса́, я́же сотвори́л еси́!/ Недúги бо исцеля́еши и бед избавля́еши, всем вопи́ти повелева́я Го́сподеви:/ препе́тый оте́ц на́ших Бо́же, благослове́н еси́.

Богоро́дичен: На́шему смире́нию Засту́пница и стена́, Богороди́тельнице Чи́стая, Ты еси́./ И́же раби́ Твои́ сýще, всегда́ вопи́ем Го́сподеви:/ препе́тый оте́ц на́ших Бо́же, благослове́н еси́.

Песнь 8

Ирмós: Ангели и Небеса,/ на престоле славы сидящего и яко Бога непрестанно славимаго/ благословите, пойте/ и превозносите Его во веки.

Ангели Небес яко слугителя ты восприимлют,/ пророцы и апостоли яко клеветы сретают,/ Сам Господь тебе восприимлет,/ мы же, грешнии, милости просим.

Велика власть от Бога в дана ти есть, Николае:/ море повинется, воздух слушает, и языцы покарятся,/ видяще преславная твоя чудеса.

Новому Израилю, христианскому народу, Спасе,/ славнейши Моисея показал еси Твоего святителя Николая,/ от всех зол нас избавляюща.

Богородичен: Очищение грехов яко Мати Божия испроси/ и руку ми простри, Госпоже, погруженному во глубине нечаяния,/ да, надежду востав, превозношаю Тя во веки вся.

Ин

Ирмós: Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,/ и превозносите Его во вся веки.

Возраст еси, яко цвет благоуханен, мирския земли, славне,/ всем приносся благоуханныя вонь, целебныя дары хвалящим ты и поющим:/ Господа воспевайте, дела, и превозносите Его во вся веки.

Искапавый Божия благодати сладость, яко гора масличная елей,/ море имел еси путь, безбедствен благодатию Господа, Ему же сладце зовем:/ Господа воспевайте, дела, и превозносите Его во вся веки.

Богородичен: Ликов премирных со удивлением раждаеши и пребываеши присно Дева:/ Слово бо родила еси, Человека бывша непреложна Божеством,/ Ему же вси поем:/ Господа воспевайте, дела, и превозносите Его во вся веки.

Песнь Богородицы: Величит душа моя Господа: <см. основной Чин>

Песнь 9

Ирмос: *Благословѣн Господь Бог Израилев,/ воздвигнувый рог спасения нам/ в дому Давидове, отрока Своего,/ в нихже посети нас Восток с высоты/ и направил ны есть на путь мира.*

Благословѣн Господь Бог наш, яко прослави святителя во странах,/ чудес струи испущающа, в Мирех и в латинех вся исцеляюща/ и в Россii милостивно посещающа.

Честным сном уснул еси и тело в Бар пользы ради пустил еси,/ неусыпный быв заступник всем, верою призывающим тя,/ молитвами твоими, Николае.

Благословѣн Небесе и земли Творец,/ Бог Вседержитель, Отец Безначальный и Всесильный,/ и Сын прежде век, от недр отрыгновѣнное Слово,/ Имже вся быша, яже о нас,/ и Дух исходяй Святыи, Троице Святаа, слава Тебе.

Богородичен: Извѣтием словес по достоянию Тя похвалити не достигаю,/ Небесных сил преболюшу и твари всея Честнейшу, Бога и Творца породшую плотию./ Егоже моли, Богородице, да помилует ны в День судный.

Ин

Ирмос: *Всяк земнородный/ да възграется, духом просвещаясь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ Чистая Приснодево.*

Память твоя днесь приносит празднество,/ апостольский лик и мученический собор радуется и праведнии души,/ вернии же ты песнями славим, вопиюще:/ от всех скорбей, святителю Христов, избави ны.

Преславная память твоя нам возсия,/ светло просвещаящи верныя, святителю Христов Николае мудре./ Темже молим тя: помяни всех нас/ и от противныя напасти всякия молитвами твоими избави.

Богородичен: Умертви наша плотския страсти и похоти, Богородительнице Чистая,/ устави и страстей наших бурю, утоли волнение помыслов,/ укрепь, Благословенная Пречистая, сердца верно чтущих Тя, Заступницу.

<далее см. основной Чин>

Светілен:

Вели́ка чудеса́ твоя́, пресвяты́й Нико́лае,/ যাঁকো явѝлся есѝ во сне
богомѹдруму Константѝну/ и три воѝны спасл есѝ, без винѝ на
смерть осужде́нныя./ Та́ко и нас спасѝ от напрасныя и ве́чныя
смерти́,/ пресвяты́й Нико́лае, святѝтелю Господень.

Сла́ва, и ны́не, пра́здника. <далее см. основной Чин>

Изменяемое №10

На стихо́вне стихи́ры глас 4:

Звездѹ незаходѝмую всесвѣтлаго со́лнца,/ не́бо духо́вное,
повѣдающее сла́ву Бо́жию спасѝтельную,/ Божѣ́ственного
проповѣ́дника, просвѣ́щника язы́ком,/ рекѹ, излива́ющую во́ды
ра́зума/ и напая́ющую ве́рных серде́ц,/ да ублажи́м Нико́лая,
пресла́внаго святѝтеля.

Стих: Честна́ пред Го́сподем/ смерть преподо́бных Его́.

Мо́рем, святѝтелю, бы́ша ше́ствия твоя́/ из Мир Ли́кийских в Бар
град:/ взѝтсѝ бо от гроба́ ковче́г твой/ и к за́падом до́йде от восто́ка,
благоче́стно послѣ́довавшим мона́хом,/ ѝже при гробе́ твоѣм честь
ти творѝвшим,/ манове́нием Влады́ки всех,/ Нико́лае пресла́вне.

Стих: Свяще́нницы Твоѝ облеку́тся в пра́вду,/ и преподо́бнии Твоѝ возра́дуются.

Кораблепла́ванием ти, во́ду блаже́нну соде́я,/ и, ко граду́ Ба́ру
прише́д,/ ми́ро источѝл есѝ, сла́вне,/ и, стра́сти неисце́льныя
исцеля́я,/ ту су́щим был есѝ прибе́жище,/ и засту́пник, и изба́витель,
ко всех Царю́ и Спа́су моля́ся,/ Нико́лае святѝтелю.

Сла́ва, глас 6: Челове́че Бо́жий/ и ве́рный ра́бе,/ слуго́ Господень,
му́жу желáний,/ сосѹ́де избра́нный,/ сто́лпе и утвержде́ние Це́ркве,
Ца́рствия насле́днике,/ не премолчи́, вопия́ за ны ко Го́споду.

И ны́не, пра́здника. <далее см. основной Чин>

Утром 22 мая

Изменяемое №11

По 1-м стихосло́вии седа́льны пра́здника

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихосло́вии седа́льны глас 4:

Удивил еси, Владыко, святителя Твоего во странах,/ подав ему чудес благодать недуги различные от человек отгоняти/ и сущия во узах избавляти,/ обидимыя же от лютых изымати./ Ему же молебное вопием:/ святыи Николае, избави нас от враг наших.

Слава, и ныне, Богородичен: <далее см. основной Чин>

Изменяемое №13

Тропарь глас 4:

Приспе день светлаго торжества,/ град Барский радуется,/ и с ним вселенная вся ликовствует/ песнями и пеньми духовными:/ днесь бо священное торжество/ в пренесение честных и многоцелебных мощей/ святителя и чудотворца Николая,/ якоже солнце незаходимое, возсия светозарными лучами,/ разгоняя тьму искушений же и бед/ от вопиющих верно:/ спасай нас, яко предстатель наш великий, Николае.

Ин тропарь:

Отчество свое, Мiры Ликiйския, не оставль духом,/ во премирный град Барский преславно телом пренесся, архиерею Николае./ И оттуда множество человеческое своим пришествием возвеселил еси/ и болящия исцелил еси./ Темже тя молим, святителю Николае,/ моли Христа Бога,/ да спасет души наша.

<далее см. основной Чин>

Изменяемое №14

На хвалитех стихирь:

Стих: Сотвори ти в них суд написан./ Слава сия будет всем преподобным Егo.

Стих: Хвалите Бога во святых Егo,/ хвалите Егo во утверждении силы Егo.

Стих: Хвалите Егo на силах Егo,/ хвалите Егo по множеству величества Егo.

Глас 1: Возрев неуклонно на высоту разума/ и узрев неявленные премудрости глубину,/ учении мир обогатил еси, отче./ О нас присно молися Христу,/ святителю Николае.

Стих: Хвалите Егo во гласе трубнем,/ хвалите Егo во псалтири и гуслех.

Человече Божий, и верный угодниче,/ и строителю Того таин,/ и мужу желаний духовных,/ столпе одушевленный и вдохновенный образ,/ яко Божественное бо сокровище,/ ты Мирская Церковь, чудящися, прияла есть/ и молитвенника о душах наших.

Стих: Хвалите Егo в тимпане и лице,/ хвалите Егo во струнах и органе.

Глас 2: Правило веры и образ кротости/ яви тебе стаду твоему Христос Бог,/ святителю Николае,/ в Мирах убо благоухающе ти/ всюду сияют светло Божественная твоя исправления,/ сирых и вдовиц предстателю./ Темже молися непрестанно/ спасти души наша.

Стѣх: Хвалите Его в кимвалех dobroгласных, хвалите Его в кимвалех восклицания./ Всякое дыхание да хвалит Господа.

Отче Николае,/ мироположница мощей твоих Мира обогащает,/ в нихже и связанные неправедно осужденные,/ во сне царю являясь,/ и твоим явлением свободил еси от смерти, и уз, и темницы,/ но и ныне, якоже тогда,/ и присно явлением твоим явися,/ молай о душах наших.

Слава, глас 5: Вострубим трубою песней,/ разыграем празднственная и ликовствуем, радуясь,/ в молебное торжество Богоснаго отца,/ цари и князи да стекуться,/ иже сонным страшным явлением царя препирающе/ повинно держимыя три отпустить воеводы да воспоют;/ пастыри и учителя,/ Доброму Пастырю подобноревнительна пастыря,/ сошедшеся, восхвалим;/ иже в недугех – врача, в бедах – избавителя,/ грешнии – заступника, нищих – сокровище/ и иже в скорбех – утешителя,/ спутника – путешествующии,/ на мори сущии – правителя/ и вси везде тепле предваряюще./ Великаго святителя/ восхваляюще, сие рцем:/ пресвятыи Николае, предвари, и избави нас от настоящих беды,/ и спаси стадо твоё молитвами твоими.

И ныне, Богородичен: <см. основной Чин>

Изменяемое №15

Кондак глас 3:

Взыде яко звезда от востока до запада/ твоя мощи, святителю Николае,/ море же освятися шествием твоим,/ и град Барский приемлет тобою благодать:/ нас бо деля явился еси чудотворец изящный,/ предивный и милостивый.

<далее см. основной Чин>

На Литургии

Изменяемое №20

Прокімен, *глас 7*: Восхва́лятся преподо́бнии во сла́ве/ и
возра́дуются на ло́жах сво́их. *Стих*: Воспо́йте Го́сподеви песнь но́ву,
яко дівна сотвори́ Господь.

Изменяемое №21

Аллилу́ия, *глас 2*: Свяще́нницы Твои́ облеку́тся в пра́вду, и
преподо́бнии Твои́ возра́дуются.